

四庫全書

集部

欽定四庫全書

集部

弇州四部稿卷二

詳校官侍讀學士

臣陸伯焜

中書

臣

劉源溥覆勘

總校官原任中允臣王燕緒

校對官檢討

臣盧

應

騰錄監生

臣韓

騰

欽定四庫全書

集部六

弇州四部稿

別集類五

明

提要

臣等謹案弇州四部稿一百七十四卷續稿二百七卷明王世貞撰世貞弇州外集觚不觚錄諸書已著錄史部中此乃所著別集其曰四部者賦部詩部文部說部也正稿說部凡七種曰劄記內篇曰劄記外篇曰左

逸曰短長曰藝苑卮言曰卮言附錄曰宛委
餘編續稿則但有賦詩文三部而無說部世
貞與李攀龍齊名而才實過之當時婁東歷
下狎主文盟奉之者為玉律金科詆之者為
塵羹土飯盛衰遞易毀譽迭興藝苑紛呶終
無定說要之世貞初時議論太高聲名太早
盛氣空涌不暇深自檢點致重貽海內口實
逮時移論定向之力矯其弊以變為纖仄破

碎之習者久已為衆所唾棄而學者論讀書曰
種子究不能不心折弇州是其才雖足以自
累而其所以不可磨滅者亦即在於此今其
書具在雖未免瑕瑜雜陳然第舉一時之巨
擘而言亦終不能舍世貞而別有所屬也四
部正稿為世貞撫鄖陽時所刊續稿則世貞
乞休後手裒晚歲之作以付其少子駿者至
崇禎間其孫始鋟以行世云乾隆四十三年

十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

弇州四部稿卷一

明 王世貞 撰

賦部

賦十首

玄嶽太和山賦

有序

太和山者蓋中州之脊而上帝之靈腑也其始不甚顯一曰武當山又曰蓼上山又曰仙室山晉咸

和中歷陽謝允棄羅令遁茲山遂名之曰謝羅山
見酈氏水經注及荊州圖副記蓋是時絕頂峻不
治不得上諸所栖息者山之陟以故靡甲稱云至
宋而謂玄武神實主之後又避其諱改玄武曰真
武而宮室繇創矣元始加帝號至明太宗文皇帝
尊之曰太嶽世宗朝復尊之曰玄武而五嶽左次
矣歲旃蒙之大淵獻春三月吳人王世貞填綏之間
一登謁焉感其峰嶺宮闕之盛與其事而為之賦

昔在帝太始氏製陰陽剖澄凝掌別五嶽以授七十二
聖昉岱首而亘金天焜煌黼帝以躋九命乃眷西顧有
亭亭類博山者出焉下盤隙而踰運廣銳直割乎黔界
之闕塘屹橫揭壽冢嶸豁其西北引庸啓絡終華而首
飲乎中原為嶽若八九者吞焉帥其支峰以媚帝閭恫
帝之不譽敢以測霄之圭與亥步其四藩不然請外托
而季從乎崑崙惟帝曰咈夫契有因而顯有長時不取
遽主必擇真是故天水氏之奄宅也為寓公宮若亡若

存以族玄冥之時巡崇祠踰林諱其金人水德用彰瑤
宇若嶙我文皇篤志鴻緒回面內蹂獨奮神武亦駕天
授悅靈威之輻輳被髮立而三光郅揭燕彈之百一俄
宇割其十九嗟九靈之革變黜二儀其霧霽聆火鈴之
豁落駭烏旂之鼓敷吐元緒與率然亦糾紛其來從既
闡教於神道竭疑功乎惟重苟神貺之昭荅何痾乎民
力之侈用於是太史覘土奉常告時五鳩鳩民將作庀
材左駙馬而右中涓六傳騷以趙催襄鄧宛洛之民蹄

擊鼓歷楚訾蠡午以逆上隴木駢闐而順來于于禺禺
千唱萬隨陸欵激湍冬謹驟雷乃使使輸窮巧獲萬既
力分模紫宮取則宸極又以蹕翼乎九閣歷清微而叩
大赤命背陬而佐之俾象鏘鏘之積石恍若入于函谷
歷落兮離宮之四百淨樂依稀乎東朝玉虛髣髴乎未
央紫霄桀驚乎甘泉南嶽差池乎阿房五龍窈窕乎馭
娑迎恩雖蘇乎鼓簧觀則復真胚始仁威懾降元和遷
校之府龍泉烝鍊之場莫不堞嶺隍壑冠峰帶岡分背

寒暑別成陰陽潺湲瓊澁網縕象郎裏鬱律而逕廷表
巉巖以直當彩栢叔牙以戢晉文椀鞞鞞而縱橫晨星
熒皇乎壁鏡雌蜺夭矯乎茄梁乃復發重艷氏之所藏
使和氏選而攻之玳瑁枝斯尻瓊玕琪像帝之真理別
鬚麋璠璣瑋瑋堅瑪瑤瑤琢為辰座躩跣虬螭乃籍滯
鄧付區嵒和合鉞鉞鼓鞞鑪椎細則禹鼎之頰磨鉅則
秦廷之欺猷鋸牙鑿齒燕頤鮑翼之類足方良手蠶魅
貺蜂眸而欲搏彥血吻以將噬感豐融之矜蠻意嫉嫫

而求退葯房寥寂櫛榻膚緻鶴蓋琴麗平鸞吹流利皎
鬯餘之泔淡眠歸雲之黠霽此其陶然樂而跳塵世者
也夷峻方軌馳道如砥縷柏周絡金椎隱趾繇蠻格磔
媚不絕耳歲憇峭藉當眸而弟泮乎其殊可喜也紛彼
靈園前奏鈞天忽齧忽續從颺蔓延乍顯乍習與雲流
連霓罕虹旂眇若騰騫快然精氣溢而欲仝也蛾而悅
兮使我恫兮躡剌施穿弇中下繒綾峭窻而嚙趾兮上
狝鬻嶺靠而盪胸俯窳窳其徑廷兮仰又棧齮而不可

窮前呼要眇幾若絲兮應碾袂而類處甌輕陰釀而裾
涅兮蒼翠撲而睫覩忽徑絕於阨堵兮使人魂憇而精
降頤砥衡截屹齧疇援足不謀目系息股弁五步一止
左檐呈胼天門杳靄若啓尺綫破靨韃穿軋芴兆庶戢
殼爭先跋躡魚貫蹠殼揉牽攝摑肱岨臂隴肝胡膽越
魁瑕二董之俊錯以敦讐駘既爰有姬姜貴秘陽蔡姝
絕螭蛾此豸要紹嬗屨綦履不任芬澤微發莫不羽鬣
犀紕露紆練恰澀喜殿屎盤跚勃窣擊銀鐺以稍振扣

陰牡而鳴咽哀蹠徹空宛潮音之逸邈悲涕懸河儼秋
霖之汨活銅虬左啟羊角瞥至拔圻坤兩喻欲巽二游
蓋飄颻其纖翮幾欲擲乎荒之裔黃冠所廬可以假憩
層樓帖石周閣無地挈莖葩襍捷獵鱗次密戟兮寒房
之聚蜂獉獠兮春潮之歸螭神搖搖而時躡心栗栗其
如灑於是黜聰明顯精深薌沐滌躬清齋盟心窮太和
之睽眾遂底乎天柱之岑覩重藥之宛曲與綺寮之麗
淫列將吏之蘭綺若棘瓚之崇森悉都官之赤仄塗以

曩蹄之上金芒穎注射睛不停眇赫烜灼爍煌煜燿炫
芬埽蓬勃忽似處乎涇濛潤衣裾而不尅哀音膺至幾
若閔乎邯鄲卷屋瓦其如霰度羣喧之屏寂兮始騁望
以逍遙竊忻夫塵世之判閻兮察天人之所交玉女醫
嘘而一粲兮電礪磕橫亘乎巘腰霆霓驚乎百里兮雙
禮珠微撥乎銀璫夜澄澄其湛露兮泠然若初滴於絳
杓白榆睜曉於楹表兮幾欲奮翮而求巢雙丸搏娛于
早晚兮屏翳卑處而不得媿儼帝聰之呼吸兮杳旭卉

其莫昭於是俯踞三垂流覽大荒寄寓一瞬投心渺茫
或翔陽弄晴激灩沖融煜乎若五金之在鎔雷雲呈姿
異態同輝暄乎若瑤臺之刊夷白不封尖峭碧摩天晃
乎若藜鏃之辭弦晦明參差旁午紛拏沓乎若銀海之
蕩層波時隱時現襄江一線或滅或浮夢澤一杯遠則
僊掌巨靈之巔負峨眉五丁之斤鑿丈人偃蹇乎青城
華存尚羊乎衡岳太室少室之巖襄中條終南之峯粵
陰脈潛通外勢包絡雖未甘乎臣僕感時趨之曦爨爾

則香鑪凝靄玉燭華峙九卿棘列三公槐植七星斗矗
五老掌鼓中笏上朝玉筍排次淋瀝雙筆飛翰疊字紫
蓋飄颺眉稜鎖翠天馬獠獠而騰上靈狡鬚鬚而斜睨
蓮不大小以掩帶陽鶴鳴和而鼓翅春淡冶其微莞夏
沈穠其幾醉秋淨皎其初沐冬慘淡其若睡雖推裒兮
麗億靡不環拱極而思媚獨房陵之一岳乃姦刺崆峒
乎境外鴻煇燿之獨遺托平巘其小息聊賈壯以負勝
信足境之畧歷俯鉅壑乎萬尋白日簪而蒸雲圍苟狎

身其稍邇踈踈盤余焉恤阮薛告第螯螯方崩醜若鳥
矰雄若贖贖似乍伏而蛾奮挺牙距而虺擊復有千章
叢挺黝靄阜壘萬古不死輪困擁腫其為嶺末之所鼓
卉歛瀏蒞增竝洶湧根槩削而弗莫類蛇附之鱗起即
且監腦而蝟動僚兮慄慄兮恐慄乎其惕而左顧余踵
也爾其清泚徐傾蕭瑟泓渟遺曠不涓觸石自聲漑漑
汨汨鏗鏗錚錚乍徵而商絲肉雖鳴芙蓉倒插散鬢微
升神漢湧璣金沙流螢枕聽酌歆九咽為澄其澗則青

羊玉局僂龜玄鎮梅溪勝越桃源比晉靡不插壁留霞
飛梁吐蜃其橋則僂源僂都遇真會真天矯梯雲遙裔
天津靡不長虹飲渚圓月麗旻磐陀之石橘叟所奕削
脯角飛盤拏現跡瓊臺迴顛帝所授冊封泥散紫餘檢
成壁宛委探書浮提副墨玉躩金題雲符秘策太乙天
乙日沼月澤燭龍布涎神漢流液丹砂九轉白茅三脊
璘彬雲母以資服食木則杉檜樅栝松梓椶柏椴檉棠
檣棉機楔榱交讓呈陰靈壽支策梢無礙漢根不避石

恣傲四侯芟閱千昔結為碩果鮮殷酷餒裹橙鄧橘張
梨房李含桃女脣火棗僊餌釘座襲目咀瀋溢齒榔梅
標瑞而蜚舌石蜜借以為醜冰芽之芽產自騫林顧渚
慙芬鳩阮遜甘蟬翼霏塢雀古沸鬻篠蕩蕩夔夔編町繡
丘霖霖初滋潛萌未茁鼓玉含腴衣以金苞濯江漢暴
秋陽械紫泥藉朱筐八足騰傳披星犯霜九重涓期以
奏新六宮舌羨而不敢嘗乃有庶纖土德所芻千年之
艾松齡十之荃蒟藟茵菩懷蓑施掩夢必弗入鼻薰禱

天葵秋發映山春滋百里障錦又若紫絕一醉枕籍若
馮夷施忽有哇妖因風徐來覘睨和囉含糊啾嚶嚶
關關媵媵靡靡覩黃口之蠛蠓疑天樂而復非

半部祭鳥也

意調祖而甫紆喟駛景之難隸覬扶羸之妙藥指長欂
而思采亦何勞訪乎亶州茲實僊都之陸海固炎帝之
所砥嘗而隸首之所不盡解者也不覩夫蔓繞勝烏白
鮮紫扶甘根叩鉅茵陳此胡南星水玉符離利如香附
扁畜重樓藜蘆益母鋌生防己夜呼葶寧天麻蒼鬱地

榆皆能掌距二豎擿殪羣魃百勞賴其禦圍五官之所
儲胥未若三暴之煉雞格九節之辨菖陽紫莖之貴牛
膝玄參之字鹿腸枸杞夸仙人之杖麥門表禹餘之糧
豺漆供而濕消玉延滄以生肪淫羊之藿靈脾別呼交
藤布根何首不烏此皆皇仁所寄祇不愛輸澤瘁實空
動與益俱肉翮頊以鷓鴣朱顏藹其茁蓊忽翛然而穢
世撫萬期之須臾遂誦茂陵之言曰唉得從安期生游
轡萬乘若敝屣何況妻子哉乃集三管之所述相與攷

諸真之由起或頌周季二尹軌喜是為第第厥號文始
或哆兩生明長禪美受度勃遂厥有棲陟夫文始青牛
挽函谷太上玉局顯魚鳧馬明吸羽騰華陰陰長蛻骨
遺丰都第彼顯則此隱豈後核而昔誣意者孟生遺帽
仲微曳裾辭令道通納節易夫田寒暑其一蓑房旦夕
而長鬚庶幾其猶可指蹤歟粵玄玄之點秘實上真之
蟲良功留跡隱用彰體藏暫閃屍而可即忽希夷其難
方俶使夫人主常伯若虞初之卜吏駢驄衣黃者二十

餘霜卒莫得其要領徒文繡乎土木而宮室乎陵岡於
戲皇哉明哉明哉皇哉亂曰因天成人合乃神兮虛有
實無衆則愚兮靈寵光豔趣則驗兮岑牢往祀嚇來世
兮當心者真豈必秉兮彼美泱泱永無矯兮

土木賦

歲在執徐四月哉生魄臣某服驂牡越燕關而北上谷
之墟陲靡境垆若陵若伏者焉土則或赭而堊澤翁岬
童造物鮮功埃昧鬱而要風陰鏃飽血敗削咀精憚乎

挾鬼車以噉鳴狂茅畏棲編狎辟宮夔魍夷猶叩之莫
鷹有一丈人踣踈前曰此所謂土木者也我前人之徇
皇輿代遯靡徵大夫金匱之逸臣庶一二寓目焉為蒙
孰之臣曰唯唯昔在元季九州鼎沸為痼為瘡易耕而
獵儵儵嗚嗚詩書凋晰禮樂眊昧高帝因天之厭亂提
三尺掎元鹿於西隲之外投諸大荒毋令睚眦挽七澤
揚九派洗天兵而不用飲湛恩之汪濊文皇勃興介彘
騎鑿雷轅阿勒坦圖罕之流莽伏蔓滋者或收椎而內臣

或儻衽而外藩陽陰山北斗鑿條支以界天門時則
有若魏鄂曹衛宋潁涼英萬衆一羽揮無留衡甌脫樓
煩艷搖神鉦屹乎金湯歷再紀而恟恟如草覲髮螟蟻
滋崩蚩尤乃迫上帝下欃槍黃沙白草之區鍾為布哈
其豪額森煝蠡游魂耆金吮鋌曾不足以當漢之一連
時則有若左璫垂貂帷房之幹等漏多魚包藏禍心蠱
我六驅狼山之旁嗟我戟牙七萃虎豹之衛虜誣就屠
列缺噤火以伏陰義和束鞭而淪虞輔勇佐堊鼎益之

徒楚材晉良其麗不億膏陂行而施朝霜海立山臥羨
漫荒搶然而天容穆然神武不崩單于除埽閼氏却行
左賢且渠大小奉觴巴延冥契乎項伯臣善曷忝乎侯
生曾未閱歲乘輿蹒蹒雖七曜暫騫而兩儀就康今天
子惟先德慨武功追周文之過密陋漢武之稱襄下書
御史千夫長百夫長材官挽彊續駢拉矧踊距騰驤死
藝辱國謀夫孔臧抑虎賁而右鷹揚於是少府發將作
詘寺人絕宮虞衡弛法減膳削御吏士衣食蜀蘇析而

鏤膺楚金銷以鍍韜駉牝三十長轂九百期門飲飛飽
勇怒而不得發搏人以軾投石而樂天弧掌射豐隆脂
軌博望鄉尊水行亡乏乃鹵溫禺臬邳支回刃南面者
寸劉銖猶斬賴韞以夕薪臭駛馱而佐朝麋載嫖姚之
金人仆竇氏之故碑天子曰止毋究兵毋招不軌襲爾
冑橐爾矢吏士十歲復無事事赦海內與更始坐明堂
柔羣裔雕題閭日月出沒靡不梯航而勞象胥於是
大置酒合樂而饗之歌曰雪忸怩信威翼文德父不哭子

鮮鰥室百千萬年戰鬪息告成祖禰樂母極老人起拜
曰子之言美矣郁郁哉請毋死而竝諸土木

竹林七賢圖賦

有序

友人尤子求作竹林七賢圖遺余既感其事而
悲其深旨也因為賦之遂題焉

鬱叢林之嵯峩兮脩篁經乎長薄蔭清洛之沂泐兮帶
層卽以迴絡雲芊眠而欲歸兮風鏗錚而相搏商金淒
其徐動兮大火慙以前却上扶疎而不覩白日兮下冷

冷度乎澗湍披鳳尾之灘澁兮抽龍鱗而怒蜿貞幹儼
以造天兮秀色婉其可餐瀉淇園之猗猗兮掩夾池之
檀欒實歲蕤以芬甘兮將以待夫栖鸞粵有磊塊酒人
隗俄玉山命儔挈侶夷猶其間蹙蘇門之清嘯兮孤鳳
噉以蘇音奏廣陵之哀散兮蒼龍噌吰而長吟指九陽
而晞髮兮靈颺颺而蕩襟屏心目而靡所營兮任魚
鳥之高深彼山公之勝度兮腹馮馮貯乎滄海向冥心
於理窟兮寄莊生之蘓水咸悠然而黜思兮乃研覃工

乎人伎伶舖醴啜離兮曾不知二豪之所在何濬沖之
把臂兮遂忘年以齊尚目爛爛其若電兮神脩脩而獨
王散斗樞之元精兮摘天杓以挹漿盼黃公之酒壚兮
曾不恡夫鷓鷯爾乃白眼迴青蒼顏變頰毋論爾我不
知悔明箕踞偃仰袒裼裸裎夏玉承歌噴珠漱醒枕恠
石裊文苔燭寒蟾斝春雷陶然而休兀乎自吟唉孔栖
與墨突將如我乎何哉於乎豈伊不思良士瞿瞿豈伊
不聞畏此簡書我儀圖之厥寄有餘慨炎火之西燼復

當塗之陰殄念韜精而蠖屈衆思媚夫虎變雖龍性之
莫馴仰鴻冥其已遠寄今古於俄頃東乾坤乎一綫日
流酒而忘歸冀世人之見遺形骸不我即妻子不我隨
死便埋我我亦為誰醒醉終始如環莫倪彼子上與頰
考者焉識吾之杜德機亂曰古稱小隱隱林藪兮作者
七人乃隱酒兮葆光內融物莫垢兮陋彼鄴下諛骨朽
兮千餘年前爾獨賢兮後千餘年吾寧不然兮噫嘻

登釣臺賦

己巳之秋季月稍魄余所偕邁者金華括蒼之伯指桐
廬下建德芊眠衣雲蟬緩繡壁飛湍激流千丈縹碧澄
渟皎鏡下數白石于時鴻濛就冥鷓首忽辨桂輪少虧
金波騰絢恍見一峰縹緲於空齋連岡浮安而拱馱森
慘厭慮巖阜回緬洪濤鼓兮木末流泉激兮石間中宮
叶商拊節迴環余所停憩二客解顏舟子舟焉曰此故
巖光先生灘也余乃野憤而楚服盤跚以前挹寒漿兮
靡椒薦素琴兮無絃追夫一介之賤微靈誠感而燭天

遂姓其州而貌其山者千五百年雲臺燼廳原陵蕪烟
富貴身盡聲華代遷孰與先生宇宙長鮮嗚呼吁嘻彼
夫赤真中掩紫閨未窮兵起東郡節殉二龔庶幾君臣
如日麗空妖新截蚤白水興龍藉匪先生君德疇隆士
行重倫丘賁驟穹萬歲千秋穆如清風紕纓奉珪以匏
余躬再拜而退二客是從未既忽有歌聲起於蘆際天
眇鏗厲林木盡沸其辭曰滄浪之清可以濯纓渭川釣
利桐江釣名役心成跡強性之情孰與吾漁無役無強

織阿為鉤太虛為網冥志沕穆縱神滉朗余異而迫之
不見其處縹若一縷破東南霧而去

二鶴賦

有序

尚書刑部省中有二鶴馬朱冠縞衣昂步接趾
日食官廩優游長年然每一驤首雲霄之翼嘹
唳躑躅若有所恨慕者余悲其翮鍛而不得飛
喙結而不能言也為短賦以達之其辭曰

予累曹牘而夕休兮步夷猶於周廡微陽晞於木杪兮

流光冉冉而不下萬象聞其無值兮忽浮輝乎儷羽冠
猩血之殷鮮兮衣陽阿之織綺狀委蛇以相孫兮又彷徨
而慚侶首低回其欲訴兮臆塊結而不得語內專精
而愁視兮檜柏蒼蔚而窘武忘翅翮之久鍛兮飄風接
而求舉賈忿志於勝決兮足離尋而頓處饑雀啾啾而
罷啄兮翻羨余之托所何稻梁之見誘兮將徇口而捐
心華池亘乎莽曠兮鸞鳳拊翼而酬音芝禾鬱其鋪繡
兮玄露若飴之芬甘朝奮翼於扶桑兮蓬萊逮乎夕淹

豈六合之為跼兮天地舒而是耽寄薄命於一秣兮感
恩顧乎非親鳧鷖迫狎而稱類兮鴻鵠下窺而見尋愧
靈根之賜鍾兮夕悲鳴而不可禁

二鳥賦

有序

孟秋之朔余以乞骸待命蘭若溽暑初退澄夜
露坐鳴蟬時送流螢間沒不覺有概於中援筆
賦之命曰二鳥賦大戴傳曰螢謂之鳥者重其
養也凡有翼者為鳥余非以文辭聊見志云耳

有鳴秋丈人者冠綉冠被銖衣飲零宵之玄酒據棲鶯
之槁枝汨乎希聲澹乎無為暉夜先生過之若燿若昴
載驅載馳丈人俛而問曰客何為者先生曰余景天之
使也昔在炎帝命羲叔氏正星火之厯用嘉惠之以煉
蔓之息壤使無斬重黎之祀余父鷓綬而母蕒茅產而
焦農少孤失聊師名之曰丹鳥而字以熠燿文明柔順
姬德允肖余饑而宰夫以白鳥進也余惡其類而難之
是以羞而不盡帝鑒余仁重錫蕃胤芾朱輝耀綬錦殷

爛余之將出也窈窈忽忽浮沙聚沫若微燒之在爇欲
吐燭而猶莫其徐行也頰頰熒熒忽滅忽明若晨河之
沈星隨珠重襪而脫英其疾發也焞鬢葭炮吐趨駕爍
若飛奔之熒孽電乘響而一掣則有奉帚兮班好裁機
兮竇婦寶瑟兮長寒珠簾兮欲暮托結兮流黃灯沈兮
擣素余乃穿複閣揭層幕熹微小颺黯霏徐度莫不授
扇思揮停梭却步擬馳輝而見君冀迴光之我顧是以
爾雅命炤禮經原腐宵燭著於戴書香蘭比於潘賦也

吾子據高揚清將傲余以卑垢知黑貂之當前而曾不
虞螳螂之在後乎哉丈人儵然而下翼如以迎仰首太
息噫吁噉鳴曰惜哉吾子驕其白蹠跳踉紛挐吾將冰
夏蟲而海井蛙昔上帝憐齊后之冤封其後人於少昊
之丘使托體於朱明闡聞於蓐收夷則中聲伏火自流
若乃萬天辭青千喬向黃吾於是登檉旄之縹緲鼓膀
振音順颺以颺札札軋軋陵厲淒切如怨如訴如泣如
咽變徵入羽噓風激雪湛露凝緊澄波澈冽牙期延涓

之流聞之或徵調而入管亦劇思而就絃蘇卿繼胡秦
丹望燕羈臣孽推履霜號天忙慘怛愴悝肝內煎爆爆
慘慘瘡瘡邈邈聞吾之聲爽隕精落鬢鬢被蒼丹肌隱
鏢白虹宛其垂練玄鴈降而受帛崩城隕室烏白馬角
至於沈寥長門低徊增成履綦罷跡屈戌流明銅龍永
鑰銀虬間鳴吾於是奏清警授微箴增涼象牙之簞奪
溫流蘇之衾含涕浹夕乃構千金請賦司馬默迴帝心
帝問而嘉之奉我以閩烏之中噎鳩之麥吾飽崑崙之

玉液却而不食也則命陳王陸令交頌敬德曰首上有
綾文也含氣飲露清也處不巢居貞也應候不爽誠也
加之璫弁玉纓玳犀之飾以冠三公九卿吾恥而逃焉
隱於玄明之庭且吾蜩氏之族為蜚為娘為蝮為蟾蠶
茅蚴蚋蚘蝮蜉蝣蜻足蠅蚘蚘蚘蚘蚘蚘蚘蚘蚘蚘蚘
難名曾若吾子崛強糞穢之間苟全庖燼之生太清君
聞之乃趣雲輶道霓旌右織阿左曜靈後飛廉前迅霆
接睫而至踞謂二生曰叱嗟若蠨螸之侶而覆育之子

也胡以纖響淑輝囂爭亡已吾張兩目而收若木浴扶
桑中間二十五萬里晃朗曠畏皎恒昌啓燭乎無終曙
乎無始吾怒而鼓鬱陽之氣砰礪震磕魄奪兆類噫兮
噓兮發青蘋之真籟草木水石按節傳會鞞鞞噲吟鈞
天之鉅樂咸備二子頽伏瘖訥闇習則有如如居士自
然逍遙不見不聞藏乎闕寥鳴秋立朽暉夜坐銷太清
內慙匿影以跳

金魚賦

有序

余盆池中有金魚數頭洋徊若失園圍未快因
王氏來乞有概區區之感聊倚賦焉

何水族之微森承金儀之熠艷形表瑞乎帝符色徵緣
於佛日冠蹙浪之瓊丙抱含書之丹乙鱗奕奕而垂錦
沫霏霏而布瑟容與如泰彷徨如隘駢集如殢倏散如
避乍遠乍近疑訴疑畏縱橫兮微颺之蕩朝霞浮湛兮
鈎月之澹烟蘿衡穿兮綽約曳筇而度銀河順流兮芙
蓉折苞而委素波欲躍兮四觸鬣而皆隅將潛兮小罍

尾而就淤啜喋兮指萍苴充旦舖委翳兮藉荇藻托宵
居甘霖霏霖兮似有蠲白日靈靈兮竟焉舒從龍邁兮
乖夙好中懶忌兮幾不保江湖邈兮故鄉風雨淹兮中
道念比目之傷拆若刳腸而就槁幸脫身於鼎鼐敢辭
羈乎盆沼鰈鱖迫兮自言親蚌蠃狎兮忘匪倫交煦沫
兮匹儔寄食息兮他人君不見兮南溟之巨鱗穢天津
兮戛崑崙糧餘皇兮喻洪淪揚鬢甲兮恣膏肉龍伯逝
兮緜不屬嗟生命兮在天汝何為兮惆悵涸轍兮見憐

清冷兮蒙放決兮蕩漾兮朗攜負滉漾縱心調暢何莊
惠之足論竟相忘於波浪亂曰欵女麗留芳其餌兮委
身受紕中怖毒兮咫尺奔連隔千里兮凶吉膠伏曷終
始兮譬彼吞舟制螻螳兮優哉游兮聊卒歲兮

愁賦

搖落窮秋云胡在心勞如蠶絲歷亂難禁又似膠漆黏
結不分沈冥晝晦鬱術寒雲七情之表五蘊之外別構
愁國金湯衣帶海輸何竭酒攻不解於是僕產樂土晚

繫愁庭出入愁伍寢食愁并朱顏向墨鬢鬢移素中腸
陰窄駢脅徐露隣死尺寸厭生萬端撫膺搏頰聊舉其
凡在昔齊相初羈燕儲未釋孤腋已空烏頭尚黑賄幸
姬兮不顧望故鄉兮長隔離迫明而伊嗟馬中夜而靈
粟峭關垂啟追兵已迫若乃慶卿既遣呂王若故刃隔
提囊屍分踞柱秦兵電發檄書星布君父怨謫國人指
詈遼左奚匿易流堪揭撫頭顱而非我知社稷之他氏
至如蘇季獻策三年不收燃桂欲燼因鬼虛謀貂離披

而別體馬跼蹐而異投鳴機轉軋戛釜誰留榮將貴逝
辱與賤求爰有中廢長門追寵增成君恩一失六宮見
輕玉階絕跡銀井無聲明月含波春花欲霰宮車徑度
簫韶別殿空乞賦於黃金但沈吟於紈扇又乃棄妻斥
女槭思竇公爰爰白兔趯趯草蟲鴛鴦瓦圻玳瑁牀空
滔戍不歸嘉書未返鐵嶺天遙榆關夢轉覩三星以何
夕歎流年之漸晚其或中朝鳳女遠嫁烏孫酪漿盛槃
毳褐竒溫穹廬代宇服匿承罇琵琶遮面茄拍代言盼

嗟我之金屋隔縹緲之玉門雖托情於黃鵠竟絕軌於南轅載有王稽內誅安平外畔應侯奉朝明主興歎一士諤諤沈幾先見欲辭不可覺禍難遠嗟富貴之履危仍寄願於貧賤未若屈子懸腸郢都削跡漢涘詹尹謝策漁父鼓枻隱宋國之猶綫慨讒夫之為蠱樂倚桑之無知覩耿雉而尚寐抱石匪遠回光難覩及夫晉祚中衰司空被羈盧郎感交破涕為詩如何撫枕遂異聞雞倚危譙而清嘯揆扶風之妙辭雙駟駭駟華蓋摧坻百

煉繞指七尺難期於戲梁獄重關夏臺累榭四候辭春
兩儀偏夜雀鼠同貪荆棘互藉貝錦滔天金鷄杳赦功
成不賞冤極何論感飛霜於六月遲返照於九閭身將
奮而俄掣聲欲舉而潛吞愬于垣之屬耳獨黯然而銷
魂亂曰秋風至今愁以來秋風逝兮愁不歸愁帶長兮
無可減愁淚枯兮不沾衣萬古愁兮一身斂祇應人世
有愁稀

老婦賦

楚王有好老之癖，父弗令，謝數賜湯沐，延及姻裔。宋玉請以隱見，王曰：「若能隱乎？」敢以一日之燕，唯子言之。寡人得解，顏焉。玉曰：「唯唯。」臣居下里，有一老，老谷量六畜，海積珍瑤，膏吠鱗，帶母錢，突奧臧，獲百輩，願指順好。晚娶，敗媪，厥字嫫母，五逐長鰥，三驚不售，曷鼻，魁肩，攣膝，昂肘，額若蒙箕，頰若叢璣，耳若張蝠齒，若焦犀指，若蟻螯踵，若蹲鴟舌，若裊蠶目，若含彈髮，若刺蝟眉，若結蔓頂，若峨阜尻，若承案摺心，若嘔學步，若跛齧笑，若哭。

振袖若裸咳唾猶發津汗潦墮高春乍起沐不及櫛剝
攘中厨嘈雜織室百藝莫解小善淫泆夜媚主父肩脅
膚戰捐輔屬體披靡婉戀甘辭泉湧投主之宴媚言姦
出乘主之間拙撈炮烙淫刑百端側目搖手噤曷敢言
嫡孽流離淑美棄捐乃發主藏臚積資黃金為介白金
為媒珊瑚為矢明珠為罟招要輕薄挑媚游冶昏旦無
間妍惡莫捨疇不掩鼻唯賄是藉淫目耽耽揄袂以嬉
淫聲嘖嘖溢臣之居牝雞司晨枯楊生梯嬰視若主顧

而調之曰日昃之離鼓缶而歌併志兮徇歡齊心兮久
要中藏兮耗潰宗祀兮蕭條立槁兮秋風曾不悔兮自
招楚王憮然動容曰善矣隱矣循日視朝有所屏損官
玉上卿錫田百畝

錦雞賦

有序

鄒山中多錦雞五色可愛古不經見至明而定為二
品服章人始稱之按爾雅紀雉有數種曰鷩者似山
雞而小冠背毛黃腹赤項綠色鮮明疑即此物也又

尚書山龍華蟲注華蟲雉也一云鷩雉也當時服章所取意或由此初夏書永感其在目聊為賦之

有鳥於此鼻祖鷩鷩厥彩五章寔繁其族玉衡之散其造不淑棲于埒築人所卵育爰有令支機精所屬首若鬱金項如結綠翡翠叢腋渥丹凝腹忽橫絕而迅往杳驚電之掣目稍安翔而反顧燦殘霞之散陸爛爛兮芍藥之春敷灼灼兮茁茁之朝榮又似乎火齊之為鐙兮蜀機軋軋而未停爾其耿介自標馴和且平棲止必諧

飲啄不爭能使鷓慚粗猛雉遜文明雖彬彬乎君子實
粥粥其無能之曾城之善舞謝九真之長鳴然而么膺
微質托產遐裔豈帝舜之華蟲而旁采乎余類彼譽命
兮不逮乎先朝乃服采兮章施於聖世陋吉光之徒珍
笑鷓鷯之非麗躡孔翠而直上托胎禽以差次聊頡頏
兮筍班竟先登兮楓陛噫嘻譬之雲臺丹青而赤松托
寄者耶上應天象而垂釣水涖者耶名之曰錦雞而古
無是者耶其鷓習為兄以鷓為弟者耶亂曰喑喋木黍

聊容齋兮不自知賤安知貴兮食子之食匪以惠兮所
苦籠絜願從此逝兮

弇州四部稿卷一

欽定四庫全書

弇州四部稿卷二

明 王世貞 撰

賦部

騷十七首

離閔 有序

嘉靖中余以冒霜露之恙者幾殆甦而悔曰賢者矩武蛇行聲實光顯蓋亦數云得志翼張而

奮不得志蓬累而逍遙此休世之利軌也非所以語於變也即余不幸而旦夕填溝壑執筆之士誰能明余衷者因為賦離閔其辭曰

粵周嗣之沖化兮厥胤儂而稱宗始興播於江左兮縉纓介而自臧嘉牒蟬嫣於桐廬兮派吳紀之湯湯維嚴君之慕偉脩兮湛盧劃乎崆峒柔兆冠于閹茂兮予乃謝太乙而下臨七曜易章而捧致兮玄機洩于宵夢集霞虹以緯服兮肇音吐而宮商驚文威蕤其未振兮鵠

要之以借逝指杵楛之孤桐兮紛莫知其為瑞駭鐘鼓
之顛饗兮逐凡羽而容裔太鼎九葉奠卜綿兮恐皇瞳
之迂顧彼狡亦何知兮抨越措夫天步驥服箱而康莊
兮駘琯轡而危路終風決於土囊兮霾大鹵之倉皇晝
暄暄其闇習兮曜靈躍而西藏鸚鵡肉百羽而遺之兮
柔鳶竊而自甘夫鵲鵲之咿嘍兮反舌更慕之以為良
檜稍稍而徑穹兮唐蒙抖喬于其傍彼唐蒙襲脂之榛
榛兮檜束糾而不揚戴勝虎齒雄馭馭兮脩女英之蛾

眉粃肉人兮而念予之調饑盼曠要予以嬋媛兮徬徨
而不能止山鬼蠱余前兮封蛇又嚙予之後趾復恇攘
而誓却兮聖善申申而見詈鄂抗節而終脯兮箕蒙難
而正志掾茹汙以衛親兮陵剗慈而辱貴灌狼囂陵蚡
侯兮卒離菑乎都市寄脂韋甘祿夫兮嬰得完乎妖代
匪哲士之懔辨兮實回惟乎宗祀旦懼慄其曷陳兮夕
標辯以失寐將革予之耿素兮假疇來之夸毗驪九土
之殷膏兮臚瑤瑩以稱薦養齊黎之要領兮濡流歆而

不返將唳訾慄斯兮無遣予以寡悰羌窈放任性兮又
稜發而見恫錮惶顏而就余之非故兮中侘傺而自索
蹇漓澁其未訔兮竟焉逃夫謠詠觀夫丹趾之幽鳥兮
四觸翼而皆籠托精誠於寐寤兮超然離乎故宮天鼓
之殷訇兮翩旒紛其以降屏翳帥而先驅兮為余埽除
乎不祥箕伯厲而飄颻兮豐隆浮乎職矇青瑤白威充
吾之左右兮神駉協而如舞羣靈矜其媵予兮耳足屬
而夢語顛夫之憤恨兮匪塵世其焉取越昭余祈之漭

沈兮投祝粟以憇惻窳窳棲於少咸兮相柳抵厥而饕
噬下欃槍之迅掃兮削重關之嶢崢迴脩輪而反指兮
導予旌以南征鯨噓沫以砰磕兮蘆洪濤於越垵虺綦
綦其九首兮鑿齒首而擬予羌易駕而就桴兮膏沫周
于具區扶搖息而直上兮庶幾乎帝之清都揭潢漢以
翱翔兮又搯奎之壁榆鏐錕鍊為罟罟兮木難交厠乎
根樞目旁攝于精光兮氣屏息而未愉屬招搖為叩闈
兮曰下土之蟣臣憤濁垢而思蛻兮得奉帝之清芬帝

既畀蒸之穰穰兮胡不芟其稂莠罔象敦脰而益之兮
騶虞待枯而骨就豈妬嫫而右慝兮將及改乎帝度詔
徐吾使獄余兮巫陽据而見逮昔貽纍之夜光兮陸離
今其胡在邁屯夷而襴之兮精煢煢其未改醴予館于
開明兮酌沆瀣於春海顧兔臃而不爽兮炮天雞以佐
觴擗素娥娛予以瑟兮繁絃悲而莫當酣鼓箠而和歌
兮噫噫振乎帝聰帝懲予之懟憐兮降予於大庭之野
羣靈傲而莫攝兮坐睨予之非所距虛偏而失偶兮倚

焦原而不能下睇幽都之晻靄兮猶未豁夫蒙霧冀日
月之昭昭兮庶其晰汝陽私予而追命兮長邁逝其不
復衣蜉蝣之楚楚兮金颺動而歸羸翳前哲之昌辭兮
炳烺象乎丹雘荃寄英於梗梓兮順高踪以揚馥期千
祀而不凋兮哀彭聃之代促亂曰於忽乎覲大患之生
身兮迺離身而患世憤脩名之不立兮奚不究乎名之
始縱生憧憧而緯繡兮固鷓鴣以為常納委形於混茫
兮予以答乎巫陽

續九辨

嘉靖丁戌之際履危疾難而就也

於戲東皇之履遐如也胎精兮熹微沖融而自愉霖霖兮蒸潤而微滋柔風煦渙兮吹益敷駘蕩兮陰崕改懣而焜煌霍靡兮百天回枯而競榮鷓鴣啁啾兮翼掩而尾孳麋麋兮于兮跡解而就妃王孫兮飛驪而流羽旂游女兮溼軒而褰翠帷廓獨處兮永巷齷而不覩天晨盱昏而送日兮夕怵營而竢明鐘鼓奏兮向離庭君不返顧兮余之微誠木暴樂以無枝兮蟾沈寥而似霜慘

周阿之步武兮腓四候而不得更

右一

嗟刑天兮鬪帝神下
緜緜兮齧齊民骨為糝兮血為漿
巫睚睚兮不得寧外
嘯兒兮以平中坎廩兮而自傷猶
茂翫兮登堂闌瘡瘡兮道傍
蓋衷兮焉訴兆蒼穹兮不肯
顧霄雪兮飄颻粟余馬兮脂
余輶西逝兮招搖東方兮以鼉

右二

吾將介忠而胄信兮衆撻之以回汰飭詩書以儲胥兮
恂憇攻而咆嘯膏螭首而行游兮狂且黜余以蠖碎猶
使亂余之益益兮踽便帽其焉潔羌革慮以茅靡兮怵
怵又非余之素斯諺俗以邈深兮然穴處之不固煩懣
兮口欲吐而哽之粵峯兮足將却而自疑號天兮浩蒼
蒼其無階頽春兮恐立稿而不及時

右三

竊獨隣此長離之九苞兮衆紛紛而施網羅魴堆僉僉

而鼓翼兮羽族離披而自誇
猛狂馭以先驅兮血人脰
以為瓊糜纍胡陪鯁而不量力兮
挽繁弱思彈之翼垂
冥無覩兮森掘塚以揚灰
矢回次以四墜兮體倏忽而
投爪牙帝沈深其九關兮
虎豹閉而不聽
鸞君今胡歸兮晝曖隳其將
暝將一羽之耿介兮卒難勝乎
萬目之脛曉嗚呼悲夫余之欲
祭兮中茹難而退耕

右四

蹇淹留於澤之畔兮詢謠詠之所
胎勁駁踈蹠而騰要

津兮余徬徨而辟之涕訕訕子蛻以延季兮靜女跣踣
乎下帷曾不閔其托避兮信信而詈余之蛾眉羣眇眇
而誇夷冶兮退祛鑑而傷不容燈燧晚其將滅兮又窺
料戾而以風何曾闥之厭躡兮覺蠅咬之薨薨馭隸怫
然以相聞兮穢余之聰恤寒疇而太息兮然展轉而逆
明嗟賊鬻之將改兮甘離索乎長終

右五

吾獨羞夫大澤之被玷兮族第離而不得袖下天眇而

不見天兮上又當夫颺戾之衝飈爲分候而竊喙兮魑
覬穴而跼跳髦棘糾喬於厥顛兮蔭繁醜之蕭萩包洄
洄其弗明兮奉托謚爲干霄數糞穢兮魍變博以來宮
雖斧柯之見葦兮亦何懼乎有生蕙華之曾敷兮得尚
君之玉堂玄飈脩脩於蘋末兮然痼瘵而萎黃白露天
質蕩爲霜兮羌何眷此微芳吾既羞被玷之徒薊兮又
悲蕙之不長梅梗梓之巨麗兮剪伐愁愁而見臨雖效
材於得所兮天質毀乎侵尋吾欲段筵筭以乞靈兮太

卜告余以曷任世趨起而難舒兮願以尚乎古今

右六

皇天分峙五嶽兮何惡夫二華之峴崢劇蓮華而下摧
兮黃河淳涵而不得平氛傲溷以暴起兮土車涓灑其
噉鳴岸為谷兮谿為陵蠕生勿罔而辭明兮連城躩跣
而就崩鴟龜聽兮水離所氓京京兮鬼為伍騎飛虹兮
叩上帝兩儀合兮中安憩偈吾生兮不辰然璀璨而燭
霄兮恐微魄之就淪

右七

夫何滴瀝百川而東委輸兮大海滄漫以亘天島胡疎
峙兮中巖鑿而不類人若馬銜疑疑以思搏兮又怳怳
乎罔象之便嬛血向吳兮骨於越波巖陸兮朱廢鮫機
殷鄰兮女紅絕晨舖吭兮不得訣思聯聯兮欲叩帝而
靡需車魂煢煢兮趣就陰而忽不見乎冥衢吾欲駕霆
霓兮鞭焚輪揚天河兮注柳鶉欒槍埽兮相柳剖吾欲
營菟裘兮吳之澣虞遺腥之被原兮厥之三仞而三沮

世既欺猥以鮮容兮還又謹諉而不得所托黃鵠之高
馳扶搖兮窮九紘庶其余伍

右八

歲單闕之陽朔兮日先月而告微驅貞人薜膏斧兮氣
灑鷓綸菌以憫悽天不傭而降鞠訕兮野仲跳梁以衡
睢師氏之煽方處兮衆胡滄滄而泚泚余豈不徇生以
求合兮印惺然其媚枯爽鳩氏之顛濟兮余又安能頽
心以自輸中慄慄其欲鬪兮足踈踈而次且蠅薨翼以

狂攘兮冀和璠為之點污銜皇澤之淫蕩兮薄言馳兮
冀方靈華綺以周祖兮矛艾蹶張而中藏玷豹腴與鵠
酸兮藏鳩屍以薦觴儵飄風之北南兮又迴坳而逝我
梁指具區而擊汰兮辭玄武以絳冠叢桂鬱何櫛椽兮
荃胡旖旎而滋未漑引白雲以來儔兮驕容鬢之不讐
使靈均無徬徨於沅湘兮亦何以勝乎上官

謂楊子也

右九

沈悵

有序

蓋已庚間索饋之暇歌哭不可聊以志恨

鬢鬢秋風感拂而眩勃兮萬木承竅而怒號氣慙慄以
脅人兮天崢嶸而益高虎豹信信守關兮蝮蛇重斷斷
乎伏莽荃既不能抑芬而就襴兮又不獲離乎蘇壤陳
霖浸淫收委根兮霜又擊荃之素榮樵丁丁其將斧兮
遂同束乎棘矜諸爲啜啄而盜脂兮螻螳又甘荃之蒂
怨齧缺以日新兮思沈淪而漸逝組滔天之貝錦兮發
逝梁之長技蠹蠹鼓沙而中影兮忽不悟其躬之瘁

溯始禍之由生兮邊聲起乎夕笳捲秋空之庵廬兮戈
鋌軋札而谿谷焱衡生於萬驥兮白日曠而飛沙寄薄
命於蜉蝣兮委家室於衝波天倉皇而忽赭兮地掩抑
以就髡挺長劔之陸離兮碎殷雷之輶輶河決流洶湧
以東排兮片石礮碗以障之庖驅原焦鑠之炎炎兮疇
濕束而抗之謇貞志以一報兮羌微力之不自量衆披
靡而伏竄兮已顛嬰乎批亢夫既嬰批不攝兮衆昉歸
以羣歟豈國餌獨芬而鈎若兮遽捐力于所遭授屬厭

之旌麾兮委雕鞍之軌轆淹東山之零雨兮錡斧缺而
繡蟒蛸清人詠于河上兮二矛重英以逍遙下焚輪於
太空兮霆霓砰訇而來萃麟拳跼而罹罟兮狐挪揄以
旁睨抨逆荃以廣柳兮重徇之以盜礮受爰書於若盧
兮別賜閑乎深室昔胡日而三錫兮今胡朝而三褫願
得肆于市朝兮披腹腸令羣視獄吏暴尊于明示兮君
庭儵乎萬里息徬徨於疇門兮媪塗炭於何軌曰余播
越彼東土兮五內伏虢而驟崩骨擬飛以中掣兮擬長

冥而復停裂余冕於胸山兮棄余車于淄澠幸獲間而
告屏兮俾改服從黎蒸凌鯨波之一葉兮繭余踵以徒
步指爽鳩之故曹兮咽鯁捄而莫吐余易衣此鬼薪兮
庶宵行而靡詬索余錦於訝士兮獲史頌之巷姑初怛
絕而若失兮漸還蘇而自通紛余品品寢語兮儻回回
其若夢累離離隕泣就訊兮禦糾糾而誰何曳琅璫之
夏鍤兮臚鈇拳之陂陀尸血肉之填委兮詫微形之後
化雖未遽羅夫荃兮安能奄然而自怡鮀據梁而睛專

兮鴟噪枝而尾訛白鳥伊薨以逞欲兮青蠅啞喋乎膏
滋朔毗劉不復春兮夜漫漫其曷鼃鬼淫啞而代新兮
人瘵憲以默消魂淫泆以思蕩兮精恟怛而中搖斗迷
離其類沫兮太嶽自削夫焦嶢豺哮嚙共余舖兮誚余
肉之弗腥也枕雄虺而酣眠兮余又安能保此醒也跪
徵言而耳荃兮自崇古而多傷夫賢者之失職兮身與
祚而低昂起牙六王而劔杜郵兮殉長平之敵殤恬脯
虜毒陽周兮長城拒骨而屍撐結微勛於社枋兮揚主

暴施齊氓故秦刑之蓋劇兮即九死其亦當李填脂於
驥宛兮念萬里而儋爵陳矯命而梟楔猶兮千金曉以
稱薄功有峻而不賞兮罪有眇而見錄夫何斤斤而詈
詬兮屬鏤加乎員目惴不察於靈均兮卒獻歛而葬魚
腹伯林忍以雉經兮君竭試乎宿肉無忌誘而兵饗兮
尹燔燒乎郤族牧鉤鑕以拜飲兮乃劔柱而就殞喑函
金之晨出兮舉趙宗以宵盡厭臬腐而遄易兮曾不念
夫閱槁之焉托謂苓參之弗瞑眩兮薦金石之酷烈爽

魴鯉於下陳兮鮑登筵為珍錯鴛陪輅以走峻兮絕驪
舖使骨削彼雕鷄之溺醜兮却妍淑於空房女恬休而
靜俟兮衆謠詠謂女以弗良雖阼死以長捐兮亦幽貞
之得所悼宮壺之廢職兮君不圖惟乎宗祀荃含荼而
不自唾兮戚誠余以勿揚臥明星之歷歷兮晝舉足而
履嚴霜吾欲呼巫咸上訴兮咸告余以迅霆雖摧磔而
罔顧兮終晚晚其蔑明吾欲更咎繇使聽質兮繇又辭
以不聰將余轍之東首兮候若英之俶駕圓波掩翳而

尚匿兮天吳紛濟其來下鑿齒齷齷擬談余兮女丑蒙
顛以相蠱雕題既利余之骨兮渾敦又私余之腑苟微
躬之足代兮誠不靳乎一咀冀請間於須臾兮中脉脉
而無與語羌頰頰而言旋兮涕般淫其如雨鷄鼓翼而
微颯兮鷄啁啾而前致譏日何憍忼橫目兮何栗斯嚙
呪以自卑望終南之峭崿兮盍揚袂而並棲寫琮琤之
飛泉兮將子渴往而酌之嘉穎垂纍實苞兮子奚殮而
不饑客捐脰以還文兮相脫齊而偕逝寄然諾於友朋

兮歷九折之靡悔子幼好此奇節兮要領刺刺而見殫
豈人合之甚隆兮將天親之在心而可解提余耳而命
之兮恍芒刺之攻中擬陳辭以抒款兮塊結膝而憧憧
嗟默默以苟生兮又孰辨余之能死也余弗抑心而有
奏兮虞于垣之屬耳也旦即聖而冬雷兮銜仍賢而霰
旭昌奚人而投賂兮丹何天而雨粟歷隆昔之逢邁兮
常與變其錯揉苟微寬之未徹兮然陰霖滂沱而漂卣
謂天炤之下垂兮曷不為我芟稂莠寄單辭於薄䟽兮

距咫尺而未究天威往而小紆兮縱余武之聊賴周崇
期之累達兮爭輪激而飛塏闔闔崔嵬而切雲兮夕陰
連乎靄靄虞設罟以中道兮衡張籥於陸海窮九垓之
鱗羽兮疇能逸乎殖醢揭鼇簪以湛陸兮揚鵬翼之變
鸞噓寒灰兮忽暖兮冶陰冰於陽籟鏐鍤之輝煌兮貧
不改乎余態貢虛言而結慰兮杳不知其所在望曾雲
之西擁兮崇臺鬱乎岫砢昔哲王之崇賢兮撫駿骨而
厚價感竒策於望諸兮遂橫吞乎東夏返故鼎於磨室

兮元英肆陳乎大呂曾易禊而改聽兮擲崇勳于睚眦
劫一北而師辱兮腹五折而國替喑蘇生之矯詐兮欲
舉國以為賄挾椒塗之秘寵兮薦連城之小勦忠角奸
而弗勝兮家將國而駢墜豈人謀之與能兮或帝命之
可冀獨徘徊而顧復兮將詣乎季主之所居乏紹介為
先容兮躬傴僂以前趨却筵筭之小技兮專精誠而布
策曰箕子之貞兮明不可息天作孽兮女安用此隄側
抑文明以柔順兮乃隨時而變易禍福為矢兮造物發

機內難正志兮卒莫我違陰疑疑以爭勝兮陽熹熹以
默滋復隨剝而遽生兮泰與否其相依女怔怔怵怵且
色墨兮內煩淫而恂怵甘北闕之叩諱兮將溝瀆乎是
好且夫臣不揚君慝以為忠兮子不絕親枝以為孝蹇
女息之未絕兮從容俟乎天道為女張電旌兮駕雷車
爪應龍之戈鍛兮牙白虎之矛爰吸蚩尤之潰精兮掃
赤水之妖珠命七曜使當空兮雖伏節而畢察婁解澤
之滂沱兮獨承恩而賜刷耕東海之騰疇兮采西山之

遺藿固沒齒其曷恫兮偕徜徉於丘壑亂曰鳳皇翩躚
雁羈阻兮五彩葳蕤中含怖兮儀足瑞時不堪俎兮有
雛毳羽聲哀苦兮上帝愍之放玄圃兮言翔言翔以千

古今

弔夷齊

有序

盧龍故孤竹也城西有伯夷叔齊祠吳人王世
貞奉使過此酌水酌馬而為之辭

日予奉輶以東逝兮束馬放乎令支山巒岼而鬼鼎兮

衆草贊耀而條緯俞兒道余於卑耳兮武夫磷磷其參
差曰青帝之握樞兮顛改煦沏寥而憺悽玄宮承雲而
黜黜兮僉告余二子之所都羌回慮以返照兮洪忍蹠
靡而內疑足次且欲卻兮又雀躍而前趨段含光劇余
之素兮挽清泠使濯余之歲裏招沆瀣以醞醴兮畏朝
霞以為餵餽噓玄冥之竅機兮噫噫拊歌之懽愴受哀
絃於太娥兮涓延和之以清商靈蕭蕭而若覩兮冀回
煇燭乎微躬又惆恍其不可即兮掌夢疏帝以奚從眺

孤竹之亶曼兮台要靈以故禘生剽舉而脫屣兮寧鬱
鬱處彼幽方溟波委輸濊貉兮箕蒙難而延宗靈庶偕
以翱翔兮語侏離而不可通北海決漭靈所辟兮受淳
滴使不得寧將岐豐沃以愉兮靈又薄周德而莫宮諸
毗綿延具區兮太虞夷猶於其旁羌德配而耦娛兮靈
謂狎附乎周盟陂陀首陽忽靠窆兮益薇以荃之芬芳
靈閭闔而下臨兮將緲駕以憩息掌夢申申以表誠兮
豐隆東而來假霓車殷殷以翩繽兮皎雙鴻之次翼匪

寶璐而陸離兮舍籬芷以彌馥介九賓而見予兮祝史
要予以靡忒伯從父以成命兮叔違親以成德倣舍君
以明志兮既殉主以明極昔巢許之讓皇兮托勲華而
稍佚尹五就而拯塗兮愀然面故主以惶怵謂題跂以
死名兮莊任誕而廢節遷嘒嘒於驥尾兮嗜微聲之有
托彼纍脩辭而求白兮卒牢怪沈乎湘澤繹鄒人之無
怨兮迺從容于天則世滔滔而苾涌兮戰伐莽其相仍
顧蒿日以揆攬兮競含沙而盡光騶虞草以伏食兮於

菟誇咀夫衡生陽鱈之齧纖鱗兮蝮蜓神龍以自矜靈
既悼農虞之忽沒兮氓躑躅而殷慕愧突梯之苟容兮
將捐足乎靈御胡司命之不晰微兮抑舖糟以昏鶩盼
媯娥之要渺兮涓濁軀而不反顧

少歌三章

有序

少歌哀廣陵宗臣作也臣有文章舉進士為顯官年
三十六而卒無子予以家大人難菀繫逆旅欲哭則
不敢欲泣則不可於是竊倣楚人九歌之遺著為三章

以見區區生平故人云爾其詞之工拙固不暇論也
語云長歌可以當哭故少歌一名當哭云

帝清狂兮下窳窳齒斷斷兮齟諸華龍冥冥兮就屠蘭
當焚兮獲代蘇君不肯兮長留厭天氣兮上逍遙瓊弁
垂兮明璫流蘇濫兮珠裳蒼麟驂兮如組文霞織兮因
章命約約兮前報挈貳矯兮為君尊命凍雨兮洗塵條
風兮將旄吳鈎兮光陸離造闢兮前致辭帝何惠予兮
淑靈又何紛兮間之荃菲離兮涼颼布秀何儻兮推何

遽悲莫悲兮生存怨莫怨兮傷故華盈盈兮泣溥露嬋
娟泣兮朝復暮白楊兮孤墳奠椒漿兮誦招魂鵙鷓啼
兮颺羣趨念欲慰兮杳無人微言眇兮耀千祀披星辰
兮河漢滙顏齡兮超彭紀夫人兮自有美子

右一章

閩江兮綠波石瀨兮參差與女遨兮武夷張雲帆兮曳
彗旂夫君兮安涉倏而來兮超若滅玳瑁宿兮雕梁鬱
金媚兮華檔丹荔兮火珠秋蓮兮碧房靈風肅兮如歸

君不御兮心煩思蛾眉侵兮鬢蟬波為暎兮玉為權櫻
的兮含芬新篁坼兮絳袖翻奉琴瑟兮偕宜要義輪兮
指秋河婉孌兮不他君胡為兮見離遺傾國兮將柰何
望中游兮吹洞簫迴倒景兮駐歸潮白雲兮流天金風
飄兮信靡傳中鬱結兮愴寬畏衆口兮私自憐

右二章

風雨煩兮晝促曜靈冉冉兮西浴野闕寥兮無人狐銜
草兮鬼嘯木羌躑躅兮不前遺予惟兮明燭青蘋兮蕭

蕭焚輪擊兮燭飄颻跳跟兮妖快志步武兮往不遂左
焦曉兮右困齋荆棘布兮待予人熒熒兮若沙傲扶
桑兮以未華波滔天兮蕩余宮余欲返兮愴無容將改
汜兮沙棠鼓陽侯兮河伯猖鸞何逝兮化翱翔矯青翰
兮不可方元氣結兮千秋蝟余腸兮滯留滯留兮恹惓
跡霞旃兮天之外薦石蜜兮炊雕胡中憂苦兮以為荼
精光鬱兮夜如栝指長庚兮女所都光不奪兮玉摧芳
不彫兮蕙枯

右三章

悲逝

有序

癸卯之秋余與故京北凌君同薦建康歲行周紀君
橫金被緋陪尹貳都復以知舉之命昔者戰藝衡先
之士瀕首下風而稱主臣噫嘻何其快也曾未浹月
奄然游岱丰容笑言變化異物婦子踉蹌抱影東歸
又何窮也嗚呼悲夫君長已矣君雖治邑高第掩武
中牟出入青瑣抗顏平津不以位勢嬰懷友于藹然

哀樂過人平生相知儀氏家物耳余本畸生骯髒多
忤辱長者忘年之知脩杯酒卜夜之歡我子君女亦
遂媾好君既不待余又難遂聞音之夕氣逆淚枯取
甌碎之家人不悉伯牙絕絃之意謂是懲逝者耳嗚
呼即使君逝以酒余又安能獨生而醒也宇宙狹矣
醒亦亡所為矣屬鞅掌東山未便旋軌恐及宿草替
邈難呼故遣獠奴持斗醕哭於君之旁拊棺而奏辭
其名悲逝辭曰

君何奄然而離軀兮
賤乎太蒙之野靈
颺肅其尊旌兮
六氣調而為馬
季咸語余以要之兮
卒亶漫而不可下
廓潛精而注懷兮
中搖搖庶其際
汝鬚扶疎以造風兮
盼便娟之雙星
齟齬粲而嘔嘔兮
怳余聰之有停
觚依昏而瑟縮兮
懷君舉之轟轟
君胡棄盛年而若脫兮
又塵華爵而弗嬰
慨嗣人之未業兮
愛女彷徨乎帷席
彼華顛之在堂兮
皓齒含辛而悲室
醪芬甘以襲人兮
曾不念而少留
豈徐吾之誘君兮
為藝古莽以糟丘
世沈

屯而無所之兮兵日尋已焉休余嗟夫襲微腥以蠅蝻
兮鬪長筴於蜉蝣晨漁獲於溟漲兮夕不庇乎衾幃孰
與君之陶陶兮歷萬古而為春秋

哀梁有譽

嘉靖甲寅孟冬友人梁有譽以疾卒於南海明
年乙卯春訃至自南海故善有譽者武昌吳國
倫廣陵宗臣吳郡王世貞相與為位哭泣燕邸
中又走書西南報李攀龍徐中行哭如三人又

十月而友人戶部郎張佳胤奉輜粵中國倫等迺


寓椒絮而南為文授張生使告于梁氏之喪其辭曰

夫何一媿人兮掩姱脩而弗揚白雲蒸於菌桂兮靈風
簸乎椒芳躡大羅之崔嵬兮九曜布而頡頏鰲波泱泱
以崩騰兮擷珊瑚於扶桑羌幼清而恬志兮疇牯荃之
素都足次且於帝閨兮目眇眇其焉愉義輪晚晚而垂
墮兮愴沈淪于世模守金虎之故臺兮載籍汎瀾而自
娛妖狐綏綏而戴首兮變諛靖之崇飾蘇糞壤而焚之

兮嗅郁郁其流馥幻槁礫為璿瑰兮宮期荃乎游息外
幽貞而窈窕兮蠱蟬緩其曷以極獨飄然而內捐兮曾
不遘乎厲淫佩迷穀之璀璨兮脩途炯乎叢林招南州
使介兮潁川授荃之夙襟驕龍飲而驤首兮神驥踊步
乎焦岑竭陳辭以九誓兮指北斗而明心歆沆瀣之涓
波兮曰吾黨自六合仰割太乙之緒兮俯窺乎玄微之
窟眇大椿於一瞬兮縮廣輪而咫尺河嶽寄荃之輔兮
星離離灼乎眉色荃又薄夫天澤兮甘此伏莽朝容裔

于承明兮夕絳幘乎神武酌濛雲之油油兮逝鬱術而
不返顧兮曲奮而精飛兮葯房風而自吐鑿混沌而竅
之兮羣真紛其上訴彼荃亦何為兮辱陸吾使不得主
帝撫然而中惻兮詔徵荃乎下土絳旄風兮珠旃雨鹿
軒我兮歸帝所摧毛骨之澠忍兮咀清泠以為糗玉女
侍按更後先兮金童掌節而猖獗鞭恟怳之綠耳兮駕
虛無之沙棠疑托跡於皓羽兮唳玄夜之廩霜睨大伾
之塵墟兮庶幾念故侶而來翔亂曰徽儀絳繇邈令言爍

今顏魄不留徑千秋兮泉臺漫漫亦既旦兮白日京京
衆趣冥兮



弇州四部稿卷二